

IÛ-TĀI Ê PHOE (65)

Iâ-so· Ki-tok ê lô·-pók, Ngá-kok ê hiaⁿ-tī, Iû-tāi, phoe kià hō· siū tiàu ê, tī Pē Siōng-tè tit-tiòh thiàⁿ, ùi-tiòh Iâ-so· Ki-tok lâi pó-siú ê; ²Goān lín-bín, pêng-an, thiàⁿ-thàng, ke-thiⁿ choē-choē hō· lín.

³Só· thiàⁿ ê hiaⁿ-tī ah, goá pún chin tìi beh siá phoe hō· lín, gī-lūn lán saⁿ-kap ū hūn ê chín-kiù, tng hit sī chiū put-tek-put tiòh siá phoe khó·-khng lín, ùi-tiòh choē chit-ê kau-tāi (tài) tī sèng-tô· ê tō-lí, lâi chhut-lát kau-chiàn. ⁴In-ūi ū kúi-nā lāng àm-chiⁿ jip-lâi, chiū-sī chá tãi-seng tiāⁿ-tiòh beh siū chit ê sím-phoàⁿ ê; in sī put-khiàn ê lāng, chiong lán ê Siōng-tè ê un hoán-túg choē hòng-chhiòng ê in-iû, iā m̄ jīm tók-it ê Chú-cháiⁿ, lán ê Chú Iâ-so· Ki-tok.

⁵Lín sī í-keng bat bān sū ê lāng, taⁿ goá ài hō· lín oē kì-tit, chiū-sī Chú í-keng kiù peh-siⁿ chhut Ai-kíp toē, āu-lâi biát-bô hiah ê m̄ sìn ê. ⁶Koh ū thiⁿ-sài bô siú in ê pún-chit, lī-khui ka-kī khiā-khi ê só·-chāi, Chú ēng éng-oán ê só-liān, kìm-siú in tī o·-àm ê ē-bīn, kàu tī toā jlt-kí ê sím-phoàⁿ. ⁷Chhin-chhiūⁿ Só·-to-má, Gô·mô·láh, í-kíp sì-ūi ê siāⁿ, iā tâng in ê khoán lâi kiāⁿ im-loān, thàn gèk-sèng ê sek-iók, chiū siū éng-oán ê hé ê hêng-hoát. hē-teh choē kàm-kài. ⁸Nā-sī chiah ê lāng iā chhin-chhiūⁿ án-ni, tī in ê bīn-bāng phah lâ-sâm jiók-thé, iā biáu-sī pān cheng-sū ê, siat-tók chun-kui ê. ⁹Chì-toā ê thiⁿ-sài, Bí-ka-lék, kap

Mô·kúi saⁿ-chiⁿ ê sī, ùi-tiòh Mô·se ê sin-si piān-lūn, siōng-chhiáⁿ m̄ káⁿ ēng pòng-tók ê oē chek-choē i, chí-ū kóng, Goān Chú chek-pī lí. ¹⁰Tók-tók chiah ê lāng siat-tók kìⁿ-nā in só· m̄ chai ê; koh in pún-sèng só· oē hiáu-tit ê, chhin-chhiūⁿ bô lēng-sèng ê oah m̄h, tī chiah ê ka-kī pāi-hoai. ¹¹In ū chai-ē ah! in-ūi in ū kiāⁿ Kai-ún ê lô·, ùi-tiòh chāi-lī cháu-chông tī Pa-lân ê chhò-gō·, siū biát-bô tī Ko-lat ê ùi-kéh. ¹²In tī lín ê hô-ài-sék sī choē àm ê chiòh-ta, kap lín siāng toh, in iúⁿ-chhi ka-kī lóng bô kiaⁿ-ùi; in sī bô hō· ê hūn, hō· hong chhe kè-khi; sī chhiu-thiⁿ bô ké-chí ê chhiū, sí-liáu koh sí, kun-thâu lóng puih-khi-lâi; ¹³sī hái ê kóng éng, thò·-chhut ka-kī thang kiàn-siàu ê phéh; sī lī-khui in ê só·-chāi ê chhiⁿ, ū o·-o· àm-àm lâu teh theng-hāu in kàu tī éng-oán. ¹⁴A-tong tē chhit tãi ê sun Í-lók chām-gú chiah ê lāng, kóng, Khoàⁿ ah! Chú kap I bān-bān ê sèng ê lâi, ¹⁵lâi sím-phoàⁿ cheng lāng, lâi chek-choē it-chhè bô keng-khiàn ê lāng, ùi-tiòh in ēng bô keng-khiàn só· kiāⁿ it-chhè bô keng-khiàn ê sū, kap kìⁿ-nā bô keng-khiàn ê choē-jin só· kóng hoaiⁿ-ok kong-kek I ê oē. ¹⁶Chiah ê lāng ngauh-ngauh liām, oàn-chhoeh, chiàu in ê su-iók lâi kiāⁿ, in ê chhui kóng khoa-kháu ê oē, ùi-tiòh chāi-lī lâi thiám-mī lāng.

¹⁷Só· thiàⁿ ê hiaⁿ-tī ah, taⁿ lín tiòh kì-tit lán ê Chú Iâ-so· Ki-tok ê sù-tô· só· tãi-seng kóng ê oē; ¹⁸ū ká lín kóng, Lō·-bé ê sī beh ū

hì-hiok ê lâng chiàu in ka-kī bô kèng-khiân ê su-iók lâi kiâⁿ. ¹⁹In hiah-ê sī hun-tóng ê, thàn hiat-khì, bô ū Sîn. ²⁰Nā-sī só· thiàⁿ ê hiaⁿ-tī ah, tiòh tī lín chhì-sèng ê sìn ka-kī khí-chō, tī Sèng Sîn lâi kī-tó, tiòh tī Siōng-tè ê thiàⁿ ka-kī pó-siú, òng-bāng lán ê Chú Iâ-so· Ki-tok ê lín-bín kàu éng-oáh. ²²Ū giâu-gi ê, lín tiòh lín-bín i; ū-ê, lín tiòh chhiúⁿ in chhut hé lâi kiù in; ū-ê, lín tiòh kiâⁿ-hiâⁿ lâi lín-bín i; liân hit ê hō· jiók-thé phah lâ-sâm ê i-hók, iā tiòh iām-òⁿ i.

²⁴Taⁿ oē chiàu-kò· lín bô tiòh-tak, iā hō· lín khiā tī I êng-kng ê bīn-chêng, bô hā-chhū, ū khoài-lòk ê, ²⁵chiū-sī tók-it ê Siōng-tè lán ê Kiù-chú, goān êng-kng, uì-giâm, koân-lêng, khui-lát, tui lán ê Chú Iâ-so· Ki-tok, lóng kui I, tui bān kó· í-chêng, kap hiān-kim, tít kàu bān sè. À-bēng.